

唐

音

統

籤

丙籤四同至卷十八

唐音統籤卷九十

包融潤州延陵人

唐志注延陵人

賀開元初與賀

知章張旭張若虛皆有名號吳中四士張九齡引

為懷州司戶集賢直學士大理司直詩一卷殷璠

詩情幽語奇  
頗多剪刻

登翅頭山題儼公石壁

晨登翅頭山山曛黃霧起却瞻迷向背直下失城  
市瞰日街東郊朝光生邑里掃除諸煙氛照出衆  
樓雉青為洞庭山白是太湖水蒼茫遠郊樹倏忽  
不相似萬象以區別森然共盈几坐令關心冒漸

覺落塵滓北巖千餘仞結廬誰家子願陪中峯遊  
朝暮白雲裏

阮公嘯臺

荒臺森荆杞蒙籠無上路傳是古人跡阮公長嘯  
處至今清風來時時動林樹逝者昔已遠升攀想  
遺趣靜然荒榛間久之若有悟靈光未歇滅千載  
知仰慕

酬忠公林亭

江外有真隱寂居歲已侵結廬近西街種樹久成  
陰人迹乍及戶車聲遙隔林自言解塵事咫尺能

輜沈為道豈廬霍會靜由吾心方秋院木落仰望  
日蕭森持我興來趣采菊行相尋塵念到門盡遠  
情對君深一談入理窟再索破幽襟安得山中信  
致書移尚禽

送國子張主簿

湖岸纜初解鶯啼別離處遙見舟中人時時一迴  
顧坐悲芳歲晚花落青軒樹春夢隨我心悠揚逐  
君去

和陳校書省中翫雪

芸閣朝來雪飄飄正滿空蹇開明月下校理落花

中色尚懷鉛白光因翰簡融能令草玄者廻思入  
流風

和崔會稽諫王兵曹廳前湧泉勢成中字

茂德來徵應流泉入詠歌含靈符上善作字表中  
和有草恒垂露無風欲偃波為看人共水清白定  
誰多

賦得岸花臨水發

笑笑傍谿花叢叢逐岸斜朝開天上日夜發浦中  
霞照灼如臨鏡芊芊勝浣紗春來武陵道幾樹落  
仙家

丙籤五

丁仙芝潤州曲阿人登開元進士第為餘杭尉詩

十四篇開元中丹陽進士殷璠嘗次潤州諸有

周蔡希寂張彥雄張潮張暉周璠談戴殷選樊光

沈如筠孫震玄徐延壽馬挺中堂構十人志今依

丹陽集一卷內融光羲有集餘人見藝文志今依

瑞次取其詩序列之惟處士張彥雄江都主簿馬

清新迴出凡格恨其文多質少

和薦福寺英公新構禪堂

上人久棄世中道自忘筌寂照出群有了心清衆  
緣所以於此地築館開青蓮果藥羅砌下煙虹垂  
戶前呪中灑甘露指處流香泉神遠日無事體清

宵不眠枳聞廬山法松入漢陽禪一枕西山外虛  
舟常浩然

贈朱中書

十年種田濱五湖十年遭滂盡為蕪頻年井稅常  
不足今年緡錢誰為輸東鄰轉穀五之利西鄰販  
繒日已貴而我守道不遷業誰能肯敢效此事紫  
微侍郎白虎殿出入通籍迴天眷晨趨綵筆柏梁  
篇畫出雕盤太官膳會應憐爾居素約可即長年  
守貧賤

戲贈姚侍御

繁霜曉幕鳴柏烏侍子獸炭然金爐重門啟鎖紫  
髯胡新披驄馬隴西駒頭戴獬豸急晨趨明光殿  
前見天子今日應彈佞倖夫

餘杭醉歌贈吳山人

曉幙紅襟燕春城白項烏只來梁上語不向府中  
趨城頭坎坎鼓聲曙滿庭新種櫻桃樹桃花昨夜  
撩亂開當軒發色映樓臺十千瓦得餘杭酒二月  
春城長命杯酒後留君待明月還將明月送君回

京中守歲

守歲多然燭通宵莫掩扇客愁當暗滿春色向明



歸玉斗巡初匝銀河落漸微開正獻歲酒千里間  
庭闈

渡楊子江浩然作孟

桂節中流望空波兩畔明林開楊子驛山出潤州  
城海盡邊陰靜江寒朔吹生更聞楓葉下浙瀝度  
秋聲

長寧公主舊山池

平陽舊池館寂寞使人愁座卷流黃筆簾垂白玉  
鈎庭開花自落門閉水空流追想吹簫處應隨仙  
鶴一作遊

剡谿館聞笛

夜久聞菴笛寥寥虛客堂  
山空響不散谿靜曲宜  
長草木生邊氣城池泛  
逗一作夕涼虛然異風出髣  
髣宿平陽

越裳貢白雉

昌一作孫  
胤詩

聖哲承符一作休運伊夔列上台  
覃恩丹徼遠入貢  
素輦來北闕欣初見南枝  
顧未廻歛容殘雪淨矯  
翼片霜開馴擾將無懼  
翻飛幸不一作莫猜甘從上  
林苑一作裏飲啄自徘徊

江南曲五首

長干斜路北近浦是兒家有意來相訪明朝出浣  
紗  
發向橫塘口船開值急流知郎舊時意且請攬船  
頭  
昨暝逗南陵風聲波浪阻入浦不逢人歸家誰信  
汝  
未曉已成妝乘潮去茫茫因從京口渡使報邵陵  
王  
始下芙蓉樓言發瑯琊岸急為打船開惡許傍人  
見

句見吟牕  
雜錄

窮巷常閉戶秋城聞搗衣

又

樹迴早秋色川長遲落暉

丙籤六

蔡隱丘曲阿人善書維氏主簿詩一篇  
殷璠詩體云隱

高險往往驚奇雖  
乏綿密殊多骨氣

石橋琪樹文元作蔡隱石詩萬首  
絕句作僧隱丘並誤

橋  
山上天將近人間路漸遙誰當雲裏見知欲渡仙

句

整巾千嶂聳曳履百泉鳴

草徑不聞金馬詔松門惟見石人看

丙籤七

蔡希周曲阿人監察御史詩一篇  
彩殿瑤云希周詞  
媚珠得風

奉和扈從溫泉宮承恩賜浴

天行雲從指驪宮浴日餘波錫詔同綵殿氤氳擁  
香溜紗牕宛轉閉和風來將蘭氣衝皇澤去引星  
文捧碧空自憐過坎便能止願托仙槎路未通

丙籤八

蔡希寂曲阿人渭南尉詩五篇

張彥遠云濟陽人官至金部郎中殷

璠云希寂詞句清迴情理縝密

同家兄題渭南王公別業

好閑知在家退跡何必深不出人境外蕭條江海

心軒車自來徃空名

石一作

對清陰川浹將釣玉鄉

亭期散金素暉射流瀨翠色絳森林曾爲詩書癖

寧惟耕稼任吾兄許微尚枉道來相尋朝慶老萊

服夕閑安道琴文章遙頌美寤寐增所欽既鬱蒼

生望明時豈陸沉

登福先寺上方然公禪室

名都標佛刹梵構臨河干舉目上方峻森森青翠  
攢步登諸劫盡忽造浮雲端當暑敞扃闥却嫌締  
綌寒禪房最高頂靜者殊開安踈雨向空城數峯  
簾外盤午鐘振衣坐招我同一餐真味雜飴露衆  
香唯蒹蘭晚來恣偃俛茶果仍留歡

陝中作

西別秦關近東行陝服長川原餘讓畔歌吹憶遺  
棠河水流域下山雲起路傍更憐棲泊處池館繞  
林篁

洛陽客舍逢祖詠留宴

緜緜鐘漏洛陽城客舍貧居絕送迎逢君賞酒因  
成醉醉後焉知世上情

贈張敬微

敬一作鏡

大河東北望桃林雜樹冥冥結翠陰不知君作神  
仙尉特訝行來雲霧深

句

見吟牕雜錄

象筵列幽白幽偈清心胸

丙籤九

張潮

一作朝

曲阿人處士詩五篇

殷璠云潮詩委曲  
怨切頗多悲涼



江風行

壻貧如珠玉壻富如埃塵貧時不忘舊富日多寵  
新妾本富家女與君為偶匹惠好一何深中門不  
曾出妾有繡衣裳威蕤金縷光念君貧且賤易此  
從遠方遠方三千里思君心未已一作發去日暮  
情更來空望去時水孟夏麥始秀江上多南風商  
賈歸欲盡君今尚巴東巴東有巫山窈窕神女顏  
常恐遊此方果然不知還

長干行

李白集載此詩而黃魯直辨為李益  
作及攷並集亦無此作按顧陶類詩

作張潮或  
有所據

憶昔深閨裏煙塵不曾識嫁與長干人沙頭候風  
色五月南風興思君下巴江一作陵八月西風起想  
君發揚子去來時一作悲如何見少離別多湘潭幾  
日到妾夢越常一作風波昨夜狂風度吹折江頭樹  
蕪蕪暗無邊行人在何處北客真至一作王公朱衣  
滿江中薄一作暮來投宿數朝不肯東今本無以  
好乘浮雲聽佳期蘭渚東鴛鴦綠浦上翡翠錦屏  
中自憐十五餘顏色桃花紅那作商人婦愁水復  
愁風

襄陽行

玉盤轉明珠君心無定準。昨見襄陽客刺說襄陽  
好無盡。襄漢水峴山垂。漢水東流。風北吹。只言一  
世長嬌寵。那悟今朝見別離。君渡清羗渚。知人獨  
不語。妾見木樛一作林。憶君相思深。莫作雲間鴻  
離聲。顧儔侶。尚如匣中劍。分形會同處。是君婦識  
君情。怨君恨君。為此行。下牀一宿。不可保。况乃萬  
里襄陽城。襄陽傳近大堤北。君到襄陽。莫回惑。大  
堤諸女兒。憐錢不憐德。

采蓮詞

朝出沙頭日正紅。晚來雲起半江中。賴逢鄰女曾

相識並着蓮舟不畏風

江南行

茨菰葉爛別西灣蓮子花開新一作猶未還妾夢不

離江水上上一水作江人傳即在鳳凰山

丙籤十

張暈曲阿人開元中第進士官校書郎詩二篇殷璠

云暈詩巧用文字務在規矩

題栖霞寺

躋險入幽林翠微含竹殿泉聲無休歇山色時隱見潮來雜風雨梅落成霜霰一從方外遊頓覺塵

心變

詩

茫茫煙水上日暮陰雲飛孤坐正愁緒湖南誰擣衣

丙籤十一

周瑀曲阿人吏部常選詩三篇殷璠云瑀詩窈窕

臨海山行見宋林師藏天台集

朝見青山雲暮見青山雲雲山無斷絕秋思日紛紛

潘司馬別業

門對青山近汀牽綠草長寒深苞晚橘風緊落垂  
楊湖畔聞漁唱天邊數鴈行蕭然有高士清思滿  
書堂

送潘三入京

故人嗟此別相送出煙垞柳色分官路荷香入水  
亭離歌未盡曲酌酒共忘形把手河橋上孤山日

暮青

瑞云孤山日暮  
青亦為清唱

丙籤十二

談戲曲阿人長洲射詩一篇

殷璠云戲詩  
經典古雅

清谿館作

指遙清谿裏左右唯深林雲蔽望鄉處雨愁爲客  
心遇人多物役聽鳥時幽音何必滄浪水底茲浣  
塵襟

句

青青江潭樹日夕增所思

丙籤十三

殷遙句容人忠王府曹叅軍詩五首

殷瑤云遙詩  
開雅善用聲

遙之死王維詩哭之云慈  
母未及塋一女纔十齡

塞上

此作或作  
司空圖

萬里隴城在三邊虜氣衰沙填孤嶂角燒斷故關

碑馬色經寒慘鵬聲帶晚悲將軍正閑暇留客換  
歌辭

山行

寂歷青山曉山行趣不稀野花成一作垂子落江燕  
引雛飛暗草薰苔徑一作渚一作晴楊掃一作拂一作石磯俗人  
猶語此余亦轉忘歸

友人山亭

故人雖一作從薄宦往往涉清谿鑿牖對山月褰裳  
拂澗霓遊魚逆水上宿鳥向風棲一見桃花發能  
令秦漢迷



送友人下第歸省

君此卜行日高堂應夢歸莫將和氏淚滴着老萊  
衣嶽雨連河細田禽出麥飛到家調膳後吟好送  
斜暉

送杜士瞻楚州觀省

風流與才思俱似晉時人淮月歸心促江花入興  
新雲深滄海暮柳暗白門春共道官猶小憐君孝  
養親

丙籤十四

沈如筠句容人橫陽王簿詩三篇

殷璠云如筠早  
歲地聲白首一

尉

寄張徵古

寂歷遠山意微冥半空碧綠籬無冬春彩雲竟朝  
夕張子海內奇父一作耐為巖中客聖君勞夢想安  
得老松石

寄天台司馬道士

見天台集

河洲花艷燭庭樹光彩藉白雲天台山可思不可  
見

閨怨

鴈盡書難寄愁多夢不成願隨孤月影流照伏波

營

句見雜錄  
非吟  
認

嘶酸寒鴈斷  
浙瀝秋樹空  
漁陽燕舊都  
美女花不如

丙籤十五

孫處玄江寧人官左拾遺棄歸鄉里開元初薦不起詩二篇

詠黃鶯

一作鄭惜詩  
又作鄭縉

欲嘒聲猶澁  
將飛羽未調  
高風不借便  
何處得遷喬

失題

漢家輕壯士無狀殺彭王一遇風塵起今誰守四

方

句

殘花與露落墜葉隨風翻

日側南澗幽風凝北林暮

丙籤十六

徐延壽江寧人處士詩三篇

殷璠云延壽詩婉孌艷美

折楊柳

大道連國門東西種楊柳歲幾君不見裊柳垂來

久緣枝棲暝禽雄去雌獨吟餘花怨春盡微月起  
秋陰坐望牕中蝶起攀枝上葉好風吹長條婀娜  
何如妾妾見柳園新高樓四五春莫吹胡塞一作  
曲愁殺隴頭人

南洲行

搖艇至南國國門連大江中洲西邊岸數步一垂  
楊金釧越谿女羅衣胡粉香織縑春卷幔采蘋暝  
提篋弄瑟嬌垂幌迎人笑下堂河頭浣衣處無數  
紫鴛鴦

人日剪綵

閨婦持刀坐自憐  
裁剪新葉催情綴  
色花寄手成春帖  
燕留妝戶黏雞待  
餉人擎來問夫婿  
何處不如真

丙籤十七

樊光句容人硤石主簿  
周旋詞局安帖

句

巧裁蟬鬢畏風吹  
畫作蛾眉恐人妬

丙籤十八

申堂構丹徒人武進尉  
殿璠云善敘事  
咏物長於情理

句

霜添栢樹冷氣拂桂林寒

丙籤十九

唐音統籤卷九十六

王維字摩詰河東人開元九年進士擢第調大樂丞坐累爲濟州司倉叅軍擢右拾遺歷監察御史吏部郎中給事中祿山陷兩都爲賊所得迫授僞官服藥陽瘖賦凝碧池詩悼痛賊平詩聞行在責授太子中允乾元中遷中庶子中書舍人復拜給事中轉尚書右丞二年初卒年六十一贈秘書監維以詩名盛于開元天寶間寧薛諸王駙馬豪貴家無不拂席迎之工草隸善畫別墅在輞川地奇勝與道友裴迪日以彈琴賦詩爲樂尤篤志奉佛



晚年長齋妻亾不娶惟與十數名僧禪誦為事臨

終作書別親故敦屬脩持停筆而化詩六卷今編

為八卷

寶應中代宗問維弟緝朕嘗於諸王座聞維樂章今傳幾何緝合詩六卷文四卷表

上畧云臣兄故尚書右丞維當官堅正秉操孤直

晚年彌加進道端坐虛室念茲無生乘輿為文未嘗廢業臣近搜求尚慮零落詩筆其成十卷曲承

天鑒下訪遺文寬而有知歿且不朽勅答云卿伯氏位歷先朝名高希代抗行周雅長揖楚辭調

六氣于終篇正五音于逸韻泉飛藻思雲散襟情詩家者流時論歸美乃眷棣華克成編錄聲猷益

茂歎息良深殷璠云維詩詞秀調雅意新理愜在泉成珠著壁成繪一句一字皆出常境蘇子

聯云味摩詰之詩詩中有畫觀摩詰之畫畫中有詩陳後山云右丞蘇州皆學陶王得其自在

徐獻忠曰右丞詩發秀自天感言成韻詞華新朗意象幽閑上登清廟則情近耳埤幽徹丘林則理

同泉石言其風骨固盡掃微波采其流調亦高跨

來代於三百篇求之蓋小雅之流而頌聲之微夫亦風氣所臨不能洗濯而高視也李于鱗云唐七言律體王維李頎頗臻其妙王元美云摩詰才勝孟襄陽由工入微不犯痕跡所以爲佳七言律老杜外摩詰差爲備美胡元瑞云右丞詩工麗閑澹自有二派殊不相蒙建禮高秋夜楚塞三江接風勁角弓鳴揚子談經處等篇綺麗精工沈宋合調者也寒山轉蒼翠一從歸白社寂寞掩柴扉晚年惟好靜等篇幽閑古澹儲孟同聲者也

#### 四言古詩

酬諸公見過

時官出在  
輞川莊

嗟予未喪哀此孤生屏居藍田薄地躬耕歲晏輸稅以奉粢盛晨往東臯草露未晞暮看煙火負擔來歸我聞有客足掃荆扉簞食伊何甌瓜抓棗仰

厠羣賢皤然一老愧無莞篔簹班荆席藁汎汎登陂  
折彼荷花靜觀素鮪俯映白沙山鳥羣飛日隱輕  
霞登車上馬倏忽雨散雀噪荒村雞鳴空館還復  
幽獨重欷累歎

五言古詩一

奉和聖製登降聖觀與宰臣等同望應制

鳳戾朝碧落龍圖耀金鏡維嶽降二臣戴天臨萬  
姓山川八校滿井邑三農竟比屋皆可封誰家不  
相慶林疎遠村出野曠寒山靜帝城雲裏深渭水  
天邊映佳氣含風景頌聲溢歌詠端拱能任賢彌

彰聖君聖

奉和聖製御春明樓臨右相園亭賦樂賢詩

應制

複道通長樂青門臨上路遙聞鳳吹喧  
聞識龍輿度褰旒明四目伏檻紆三顧  
小苑接侯家飛甍映宮樹商山原上碧  
滻水林端素銀漢下天章瓊筵承湛露  
將非富民寵信以平戎故從來簡帝心  
詎得迴天步

奉和聖製送不蒙都護兼鴻臚卿歸安西應

制

上卿增服命都護揚歸旆雜虜朝朝周諸胡皆自  
劓鳴笳瀚海曲按節陽關外落日下河源寒山靜  
秋塞萬方氛稜息六合乾坤大一作奉無戰是天心  
天心同覆載

扶南曲歌詞五首

翠羽流蘇帳春眠曙不開羞從面色起嬌逐語聲  
來早向昭陽殿君王中使催

堂上青絃動堂前綺席陳齊歌盧女曲雙舞洛陽  
人傾國徒相看寧知心所親

香氣傳空滿妝華影箔通歌闌天仗外舞出御樓

一作筵

中日暮歸何處花間長樂宮

宮女還金屋將眠復畏明入春輕衣好半夜薄妝  
成佛曙朝前殿玉墀多珮聲

朝日照綺牕佳人坐臨鏡散黛恨猶輕插釵嫌未  
正同心勿遽遊幸待春妝竟

早春行

紫梅發初遍黃鳥歌猶澁誰家折楊女弄春如不  
及愛水看妝坐羞人映花立香畏風吹散衣愁露  
濡濕玉閨青門裏日落香車入游衍益相思含啼  
向綵帷憶君長入夢歸晚更生疑不及紅簷燕雙

栖綠草時

從軍行

吹角動行人喧喧行人起  
笳悲馬嘶亂爭渡金下  
水日暮沙漠陲戰聲煙塵裏  
盡繫名王頸歸來獻

報一作天子

隴西行

十里一走馬五里一揚鞭  
都護軍書至匈奴圍酒  
泉關山正飛雪烽火一作斷無煙

羽林騎閨人

秋月臨高城城中管絃思  
離人堂上愁稚子堦前

戲出門復映戶望望青絲騎行人過欲盡狂夫終  
不至左右寂無言相看共垂淚

西施詠

艷色天下重西施寧久微朝爲越谿女暮作吳宮  
妃賤日豈殊衆貴來方悟稀

劉云語有諷  
味似淺似深

邀人傳

脂粉不自着羅衣君寵益嬌態君憐無是非

劉云  
妙

當時浣紗伴莫得同車歸持謝鄰家子效顰安可

希

李陵詠

時年  
十九

漢家李將軍二代將門子結髮有奇策少年成壯



士長驅塞上兒深入單于壘旌旗列相向簫鼓悲  
何已日暮沙漠陞戰聲塵裏將令驕虜滅豈獨  
名王侍既失大軍援遂嬰穹廬耻少小蒙漢恩何  
堪坐思此深衷欲有報投軀未能死引領望子卿  
非君誰相理

濟上四賢詠

崔錄事

解印歸田里賢哉此大夫少年曾任俠晚節更爲

儒迹

一作世

東山下因家滄海隅已聞能狎鳥余

欲共乘桴

成文學

寶劍千金裝登君白玉堂身爲平原客家有邯鄲  
娼使氣公卿座論心游俠場中年不得意謝病客  
遊梁

鄭霍二山人

翩翩繁華子多出金張門幸有先人業早蒙明主  
恩童年且未學肉食驚華軒豈乏中林士無人薦  
至尊鄭公老泉石霍子安丘樊賣藥不二價著書  
盈萬言息陰無惡木飲水必清源吾賤不及議斯  
人竟誰論

寓言二首

朱紱誰家子無乃金張孫  
驪駒從白馬出入銅龍門  
問爾何功德多承明主恩  
鬪雞平樂館射雉上林園  
曲陌車騎盛高堂珠翠繁  
奈何軒冕貴不與布衣言

君家御溝上垂柳夾朱門  
列鼎會中貴鳴珂朝至尊  
生死在八議窮達由一言  
須識苦寒士莫矜孤白溫

偶然作六首

楚國有狂夫茫然無心想  
散髮不冠帶行歌南陌

上孔丘與之言仁義莫能獎未嘗肯問天何事須  
擊壤復笑采薇人胡爲乃長往

田舍有老翁垂白衡門裏有時農事閑斗酒呼鄰  
里喧聒茅簷下或坐或復起短褐不爲薄園葵固  
足美動則長子孫不會向城市五帝與三王古來  
稱天子干戈將揖讓畢竟何者是得意苟爲樂野  
田安足鄙且當放一作忘懷去行行沒餘齒

日夕見太行沈吟未能去問君何以然世網嬰我  
故小妹日成長兄弟未有娶家貧祿旣薄儲蓄非  
有素幾迴欲奮飛踟躕復相顧孫登長嘯臺松竹

月二十七日  
有遺處相去詎幾許故人在中路愛染日已薄禪  
寂日已固忽乎吾將行寧俟歲云暮

陶潛任天真其性頗耽酒自從棄官來家貧不能  
有九月九日時菊花空滿手中心竊自思儻有人  
送否白衣攜壺觴果來遣老叟且喜得斟酌安問  
升與斗奮衣野田中今日嗟無負兀傲迷東西蓑  
笠不能守傾倒強行行酣歌歸五柳生事不會問  
肯媿家中婦

趙女彈琴獲復能邯鄲舞夫婿輕薄兒鬪雞事齊  
主黃金買歌笑用錢不復數許史相經過高門盈

四牡客舍有儒生昂藏出鄒魯讀書三十年腰下

一作

無尺綰被服聖人教一生自窮苦

老來懶賦詩惟有老相隨宿世謬詞客前身應畫  
師不能捨餘習偶被時

一作世

人知名字本皆是此

心還不知

### 早朝

皎潔明星高蒼茫遠天曙槐霧暗不開城鴉鳴稍  
去始聞高閣聲莫辨更衣處銀燭已成行金門儼  
駟馭

### 休假還舊業使使

一作盧象詩

謝病始告歸依依入桑梓家人皆佇立相候衡門  
裏時輩皆長年成人舊童子上堂家慶畢顧與姻  
親齒論舊忽餘悲目存且相喜田園轉蕪沒但有  
寒泉水衰柳日蕭條秋光清邑里入門乍如客休  
騎非便止中飯顧王程離憂從此始

冬夜書懷

冬宵寒且永夜漏宮中發草白霜繁霜木衰澄清  
月麗服映頰顏朱燈照華髮漢家方尚少顧影慙  
朝謁

苦熱

赤日滿天地火雲成山嶽草木盡焦卷川澤皆竭  
涸輕紈覺衣重密樹苦陰薄莞簟不可近絺綌再  
三濯思出宇宙外曠然在寥廓長風萬里來江海  
蕩煩濁却顧身爲患始知心未覺忽入甘露門宛  
然清涼樂

納涼

喬木萬餘株清流貫其中前臨大川口豁達來長  
風漣漪涵白沙青鮪如遊空偃卧盤石上翻濤沃  
微躬漱流復濯足前對釣魚翁貪餌凡幾許徒思  
蓮葉東



歎白髮

我年一何長鬢髮日已白俛仰天地間能爲幾時  
客惆悵故山雲徘徊空日夕何事與時人東城復  
南陌

瓜圃詩

并序

維瓜圃高齋俯視南山形勝二三時輩同賦是  
詩兼命詞英數公用圃字爲韻韻任多少時  
太子司議郎薛琰發  
此題遂同諸公云

余適欲鋤瓜倚鋤聽叩門鳴騶導驄馬常從夾朱  
軒窮巷正傳呼故人儻相存攜手追涼風放心望  
乾坤藹藹帝王州宮觀一何繁林端出綺道殿頂

搖一作播

華幡素懷在青山若值白雲屯迴風城西

雨返景原上村前酌盈樽酒往往聞清言黃鸝轉  
深木朱槿照中園猶羨松下客石上聞清猿

春中田園作

屋上春鳩鳴村邊杏花白持斧伐遠楊荷鋤覘泉  
脉歸燕識故巢舊人看新曆臨觴忽不御惆悵遠  
行客

新晴野望

新晴原野曠極目無氛垢郭門臨渡頭村樹連谿  
口白水明田外碧峯出山後農月無閑人傾家事

南畝

冬日遊覽

步出城東門試騁千里目青山橫蒼林赤日溷平  
陸渭北走邯鄲關東出函谷秦地萬方會來朝九  
州牧雞鳴咸陽中冠蓋相追逐丞相過列侯羣公  
餞光祿相如方一作老病獨歸茂陵宿

青谿

一作過青谿水作

言入黃花川每逐青谿水隨山將萬轉趣途無百  
里聲喧亂石中色靜深松裏漾漾汎菱荇澄澄映  
葭葦我心素已閑清川澹如此請留盤石上垂釣

將已矣

藍田山石門精舍

落日山水好覺舟信歸風探

一作玩

奇不將遠因以

緣

一作諱

源窮遙愛雲木秀初疑路不同安知清流

轉偶與前山通捨舟理輕策果然愜所適老僧四  
五人逍遙蔭松柏朝梵林未曙夜禪山更寂道心  
及牧童世事問樵客暝宿長林下焚香卧瑶席澗  
芳襲人衣山月映石壁再尋畏迷誤明發更登歷  
笑謝桃源人花紅復來覲

華嶽

西嶽出浮雲積翠在太清連天凝黛色百里遙青  
冥白日爲之寒森沈華陰城昔聞乾坤閉造一作變

化生巨靈右足踏方上

山一作

左手推削成天地忽

開拆大河注東溟遂爲西峙嶽雄雄鎮秦京大君  
包覆載至德被羣生上帝佇昭告金天思奉迎神  
祺望幸久何獨禪云亭

同盧拾遺過韋給事東山別業二十韻給事  
首春休沐維已陪遊及乎是行亦預聞命會  
無車馬不果斯諾

託身侍雲陸昧且趨華軒遂陪鷓鴣侶霄漢同飛

翻君子垂惠顧期我於田園側聞景龍際親降南  
面尊萬乘駐山外順風祈一言高陽多夔龍荆山  
積與璠盛德啓前烈大賢鍾後昆侍郎文昌宮給  
事東掖垣謁帝俱來下冠蓋盈丘樊闔風首邦族  
庭訓延鄉村采地包山河樹并竟川原巖端迴綺  
檻谷口開朱門階下羣峯首雲中瀑水源鳴玉滿  
春山列筵先朝噉會舞何颯杳擊鐘彌朝昏是時  
陽和節清晝猶未暄藹藹樹色深嚶嚶鳥聲繁顧  
已負宿諾延頸慙芳蓀蹇步守窮巷高駕難攀援  
素是獨往客脫冠情彌敦

月  
韋侍郎山居

幸忝君子顧遂陪塵外蹤  
閑花滿巖谷瀑水映杉  
松啼鳥忽臨澗歸雲時抱峯  
良遊盛簪紱繼跡多  
夔龍詎枉青門道胡聞長樂鐘  
清晨去朝謁車馬  
何從容

晦日遊大理韋卿城南別業四聲依次用各  
六韻

與世澹無事自然江海人  
側聞塵外遊解驟輒朱  
輪平一作極野照暄景上天垂春雲張組竟北阜汎  
舟過東鄰故鄉信高會牢醴及佳辰幸同擊壤樂

心荷堯爲君

郊居杜陵下永日同攜手人里靄川陽平原見峯  
首園廬鳴春鳩林薄媚新柳上卿始登席故老前  
爲壽臨當遊南陂約畧執杯酒歸歎紕微官惆悵  
心自咎

冬中餘雪在墟上春流駛風日暢懷抱山川多秀

一作好天氣彫胡先晨炊庖膾亦後至高情浪海嶽浮

生寄天地君子外簪纓埃塵良不啻所樂衡門中

陶然忘其貴

高館臨澄陂曠然蕩

一作望理

心目淡蕩動雲天玲瓏



映墟曲鵲巢結空林雉雊響幽谷應接無閑暇徘徊以躑躅紆組上春堤側弁倚喬木弦望忽已晦後期洲應綠

崔濮陽兄季重前山興

自注山西去亦對維門

秋色有佳興况君池上閑悠悠西林下自識門前山千里橫黛色數峯出雲間嗟峨對秦國合沓藏荆關殘雨斜日照夕嵐飛鳥還故人今尚爾歎息此顏顏

過李揖宅

閑門秋草色終日無車馬客來深巷中犬吠寒林

下散髮時未簪道書行尚把與我同心人樂道安  
貧者一罷宜城酌還歸洛陽社

李

一作石

處士山居

君子盈天階小人甘自免方隨鍊金客林上家絕  
巘背嶺花未開入雲樹深淺清晝猶自眠山鳥時  
一轉

渭川田家

斜光

一作陽

照墟落窮巷牛羊歸野老念僮僕

一作牧童

倚杖候荆扉雉雛麥苗秀蠶眠桑葉稀田夫荷鋤  
至相見語依依卽此美閑逸悵然吟

一作歌

式微

燕子龕禪師

山中燕子龕路劇羊腸惡裂地競盤屈插天多峭  
嶒瀑泉吼而噴怪石看欲落伯禹訪未知五丁愁  
不鑿上人無生緣生長居紫閣六時自提磬一飲  
常帶索種田燒白雲斫漆響丹壑行隨拾栗猿歸  
對巢松鶴時許山神請偶逢洞仙博救世名慈悲  
卽心無行作周商倦積阻蜀物多淹泊巖腹乍芴  
穿澗脣時外拓橋因倒樹架柵值垂藤縛鳥道悉  
已平龍宮爲之淵跳波誰揭厲絕壁免捫摸山木  
日陰陰結脚歸舊林一向石門裏任君春草深

謁瘡上人 并序

上人外人內天不定不亂捨法而淵泊無心而  
雲動色空無碍不物物也默語無際不言言也  
故吾徒得神交焉玄關大啓德海羣泳時  
雨旣降春物具美序於詩者人百其言

少年不足言識道年已長事往安可悔餘生幸能  
養誓從斷臂血不復嬰世網浮名寄纓佩空性無  
羈鞅風承一作大導師焚香此瞻仰頽然居一室  
覆載紛萬象高柳早鶯啼長廊春雨響牀下阮家  
屐牕前筇竹杖方將見身雲陋彼示天壤一心在  
法要願以無生獎

飯覆金山僧

晚知清淨理日與人羣疎將候遠山僧先期掃弊  
廬果從雲峯裏顧我蓬蒿居藉草飯松屑焚香看  
道書然燈晝欲盡鳴磬夜方初一悟寂爲樂此生  
閑有餘思歸何必深身世猶空虛

早入滎陽界

汎舟入滎澤茲邑乃雄藩河曲閭閻隘川中烟火  
繁因人見風俗入境聞方言秋野田疇盛朝光市  
井喧漁商波上客雞犬岸傍村前路白雲外孤帆  
安可論

渡河到清河作

汎舟大河裏積水窮天涯天波忽開拆郡邑千萬  
家行復見城市宛然有桑麻迴瞻舊鄉國森漫連  
雲霞

宿鄭州

朝與周人辭暮投鄭人宿他鄉絕儔侶孤客親僮  
僕宛洛望不見秋霖晦平陸田父草際歸村童雨  
中牧主人東臯上時稼遶茅屋蟲思機杼悲雀喧  
禾黍熟明當渡京水昨晚猶金谷此去欲何言窮  
邊狗微祿

自大散以往深林密竹磴道盤曲四五十里

至黃牛嶺見黃花川

危徑幾萬轉數里將三休迴環見徒侶隱映隔林  
丘颯颯松上雨潺潺石中流靜言深谿裏長嘯高  
山頭望見南山陽白露霑悠悠青臯麗已淨綠樹  
鬱如浮曾是厭蒙密曠然銷人憂

丙籤十九王維之二

唐音統籤卷九十七

五言古詩二

獻始興公

特拜右拾遺

寧棲野樹林寧飲澗水流不用坐梁肉崎嶇見王  
侯鄙哉匹夫節布褐將白頭任智誠則短守仁固  
其優側聞大君子安問黨與讎所不賣公器動爲  
蒼生謀賤子跪自陳可爲帳下不感激有公議曲  
私非所求

和使君五郎西樓望遠思歸

高樓望所思目極情未畢枕上見千里牕中窺萬



室悠悠長路人賤暖遠郊日惆悵極浦外迢遞孤  
煙出能賦屬上才思歸同下秩故鄉不可見雲水  
空如一

酬黎居士浙川作

墨壁上人  
院走筆成

儂家真箇去公定隨儂否着處是蓮花無心變楊  
柳松龕藏藥裹石脣安茶臼氣味當共知那能不  
攜手

贈從弟司庫員外綽

少年識事淺強學干名利徒聞躍馬年苦無出入  
智卽事豈徒言累官非不試旣寡遂性歡恐招負

時累清冬見遠山積雪疑蒼翠浩然出東林發我  
遺世意惠連素清賞夙語塵外事欲緩攜手期流  
年一何駛

贈房盧氏琯

達人無不可忘已愛蒼生豈復少十室絃歌在兩  
楹浮人日已歸但坐事農耕桑榆鬱相望邑里多  
雞鳴秋山一何淨蒼翠臨寒城視事兼偃卧對書  
不簪纓蕭條人吏疎鳥雀下空庭鄙夫心所尚晚  
節異平生將從海嶽居守靜解天刑或可累安且  
茅茨君試管

春夜竹亭贈錢少府歸藍田

錢起也起酬詩見本集

夜靜羣動息時聞隔林犬却憶山中時人家澗西  
遠羨君明發去采蕨輕軒冕

贈祖三詠

濟州官舍作

蠨蛸挂虛牖蟋蟀鳴前除歲晏涼風至君子復何  
如高館閔無人離居不可道閑門寂已閉落日照  
秋草雖有近音信千里阻河關中復客汝潁去年  
歸舊山結交二十載不得一日展貧病子既深契  
闕余不淺仲秋雖未歸暮秋以爲期良會詎幾日  
終日長相思

座上走筆贈薛璩慕容損

希世無高節絕跡有卑棲君徒視人文吾固和天  
倪緬然萬物始及與羣牧齊分地依后稷用天信  
奉一作重黎春風何豫人令我思東谿草色有佳意  
花枝稍含蕙更待風景好與君藉草

贈李頎

聞君餌丹砂甚有好顏色不知從今去幾時生羽  
翼王母翳華芝望爾崑崙側文螭從赤豹萬里方  
一息悲哉世上人甘此羶腥食

戲贈張五弟諲三首

時在常樂東  
園走筆成

吾弟東山時心尚一何遠日高猶自卧鐘動始能  
飯領上髮未梳牀頭書不卷清川興悠悠空林對  
偃蹇青苔石上淨細草松下軟牕外鳥聲閑堦前  
虎心善徒然萬象多澹雨太虛緬一知與物平自  
顧爲人淺對君忽自得浮念不煩遣

張弟五車書讀書仍隱居染翰過草聖賦詩輕子  
虛閉門二室下隱居十年餘宛是野人野

一作時也

從漁父漁秋風自蕭索五柳高且疎望此去人世  
渡水向吾廬歲晏同攜手只應君與予

設置守瓊兔垂釣伺遊鱗此是安口腹非關慕隱

淪吾生好清淨蔬食去情塵今子方豪蕩思爲鼎  
食人我家南山下動息自遺身入鳥不相亂見獸  
皆相親雲霞成伴侶虛白侍衣巾何事須夫子邀  
予谷口真

贈劉藍田

一作盧  
象詩非

籬間犬迎吠出屋候柴

一作  
荆

扉歲晏輸井稅山村

人夜歸晚田始家食餘布成我衣詎肯無公事煩

君問是非

顧可久云急徵繁  
苦之意見于言外

贈裴十迪

風景日夕佳與君賦新詩澹然望遠空如意方支

頤春風動百草蘭蕙生我籬曖曖日煖閨田家來  
致詞欣欣春還臯淡淡水生陂桃李雖未開萸萸  
滿芳一作其枝請君理還策敢告將農時

丁寓田家有贈

君心尚棲隱久欲傍歸路在朝每爲言解印果成  
趣晨雞鳴鄰里羣動從所務農夫行餉田閨妾起  
縫素開軒御衣服散帙理章句時吟招隱詩或製  
閑居賦新晴望郊郭日映桑榆暮陰盡小苑城微  
明渭川樹揆予宅間井幽賞何由屢道存終不忘  
迹異難相遇此時惜離別再來芳菲度

胡居士卧病遺米因贈

了觀四大因根性何所有妄計苟不生是身孰休  
咎色聲何謂客陰界復誰守徒言蓮花目豈惡楊  
枝肘既飽香積飯不醉聲聞酒有無斷常見生滅  
幻夢受卽病卽實相趨空定狂走無有一法真無  
有一法垢居士素通達隨宜善料撒牀上無氈卧  
鍋中有粥否齋時不乞食定應空漱口聊將數斗  
米且救浮生取

至滑州隔河望黎陽憶丁三寓

隔河見桑柘藹藹黎陽川望望行漸遠孤峯沒雲



唐詩新集  
煙故人不可見河水復悠然  
賴有政聲遠時聞行路傳

秋夜獨坐懷內弟崔興宗

夜靜羣動息蟋蟀聲悠悠  
庭槐北風響日夕方高秋  
思子整羽翰及時當雲浮  
吾生將白首歲晏思滄洲  
高足在且暮肯爲南畝儔

奉寄韋太守陟

荒城自蕭索萬里山河空  
天高秋日迴嘹唳聞歸鴻  
寒塘映衰草高館落疎桐  
臨此歲方晏顧景詠悲翁  
故人不可見寂寞平陵東

與胡居士皆病寄此詩兼示學人二首

一興微塵念橫有朝露身如是觀陰界何方置我  
人礙有固爲主趣空寧捨賓洗心詎懸解悟道正  
迷津因愛果生病從貪始覺貧色聲非彼妄浮幻  
卽吾真四達竟何遣萬殊安可塵胡生但高枕寂  
寞與誰鄰戰勝不謀食理齊甘負薪子若未始異  
詎論疎與親

浮空徒漫漫汎有定悠悠無乘及乘者所謂智人  
舟詎捨貧病域不疲生死流無煩君喻馬任以我  
爲牛植福祠迦葉求仁笑孔丘何洋不鼓棹何路

不摧輒念此聞思者胡爲多阻修空虛花聚散煩  
惱樹稀稠滅相成無記生心坐有求降吳復歸蜀  
不到莫相尤

林園卽事寄舍弟統

寓目一蕭散銷憂冀俄頃青草蕭澄陂白雲移翠  
嶺後沔通河渭前山包鄆郢松舍風裏聲花對池  
中影地多齊后賸人帶荊州瘦徒思赤筆書詎有  
丹砂并心悲常欲絕髮亂不能整青簪日何長閑  
門晝方靜顏思茅簷下彌傷好風景

送韋大夫東京留守

人外遺世慮空端結遐心曾是巢許淡始知堯舜  
深蒼生詎有物黃屋如喬林上德撫神運冲和穆  
宸襟雲雷康屯難江海遂飛沈天工寄人英龍袞  
瞻君臨名器苟不假保釐固其任素質貫方領清  
景照華簪慷慨念王室從容獻官箴雲旗蔽三川  
畫角發龍吟晨揚天漢聲夕卷大河陰窮久業已  
寧逆虜遺之擒然後解金組拂衣東山岑給事黃  
門省秋光正沈沈功名與身退老病隨年侵君子  
從相訪重玄其可尋

送陸員外

郎署有伊人居然古人風天子顧河北詔書除征  
東拜手辭上官緩步出南宮九河平原外七國薊  
門中陰風悲枯桑古塞多飛蓬萬里不見虜蕭條  
胡地空無爲費中國更欲邀奇功遲遲前相送握  
手嗟異同行當封侯歸肯訪商山翁

送縉雲苗太守

手疏謝明主腰章爲長吏方從會稽郊更發汝南  
騎按節下松陽清江響鏡吹露冕見三吳方知百  
城貴

送宇文太守赴宣城

寥落雲外山迢遙舟中賞鏡吹發西江秋空多清  
響地迴古城蕪月明寒潮廣時賽敬亭神復解罟  
師網何處寄相思南風吹一作搖五兩

送魏郡李太守赴任

與君伯氏別又欲與君離君行無幾日當復隔山  
陂蒼茫秦川盡日落桃林塞獨樹臨關門黃河向  
天外前經洛陽陌宛洛故人稀故人離別盡淇上  
轉驂駢企予悲送遠惆悵睢陽路古木官渡平秋  
城鄰宮故想君行縣日其出從如雲遙思魏公子  
復憶李將軍

送張舍人佐江州同薛據十韻

東帶趨承明守官唯謁者清晨聽銀蚪薄暮辭金  
馬受辭未嘗易當御方知寡清範何風流高文有  
風雅忽佐江上州當自潯陽下逆旅到三湘長途  
應百舍香爐遠峯出石鏡澄湖瀉董奉杏成林陶  
潛菊盈把范蠡常好之廬山我心也送君思遠道  
欲以數行灑

送蔡母潛落第還鄉

集作送別

聖代無隱者英靈盡來歸遂令東山客不得顧采  
薇既至君一作金門遠執云吾道非江淮度寒食京

洛縫春衣置酒臨長道同心與我違行常浮桂棹

未幾拂荆扉遠樹帶行客孤城當落暉

劉辰翁云帶字畫意

當字天然吾謀適不用勿謂知音稀

### 別綦母潛

端笏明光宮歷稔朝雲陞詔刊延閣書高議平津  
邸適意偶輕人虛心削繁禮盛得江左風彌工建  
安體高張多絕絃截河有清濟嚴冬爽羣木伊洛  
方清泚渭水冰下流潼關雪中啓荷蓀幾時還塵  
纓待君洗

### 送綦母秘書棄官還江東



明時久不達棄置與君同天命無怨色人生有素  
風念君拂衣去四海將安窮秋天萬里淨日暮澄  
江空清夜何悠悠扣舷明月中和光魚鳥際澹爾  
蒹葭叢無庸客招世衰鬢日如蓬頑疎暗人事僻  
陋遠天聰微物縱可采其誰爲至公余亦從此去  
歸耕爲老農

送高道弟耽歸臨淮作

少年客淮泗落魄居下邳遨遊向燕趙結客過臨  
淄山東諸侯國迎送紛交馳自爾厭游俠閉戶方  
坐帷深明戴家禮頗學毛公詩備知經濟道高跼

陶唐時聖主詔天下賢人不得遺公吏奉纁組安  
車去茅茨君王蒼龍闕九門十二達羣公朝謁罷  
冠劔下丹墀野鶴終踉蹌威鳳徒參差或問理人  
術但致還山詞天書降北闕賜帛歸東菑都門謝  
親故行路日逶遲一作迤孤帆萬里外森漫將何之  
江天海陵郡雲日淮南祠杳冥滄洲上蕩漭無人  
知緯蕭或賣藥出處安能期

齊州送祖三

一作河上  
送趙仙舟

相逢方一笑相送還成泣祖帳已

一作  
席忽

傷離荒城

復愁入天寒遠山靜日暮長河急解纜君已遙望

君猶佇立

劉辰翁云  
短嬾意傷

送張五歸山

送君盡惆悵復送何人歸  
幾日同攜手一朝先拂  
衣東山有茅屋幸爲掃荆扉  
當亦謝官去豈令心事違

資聖寺送甘二

浮生信如寄薄宦夫何有  
來往本無歸別離方此  
一作受柳色藹春餘  
槐陰清夏首不學御溝上  
銜悲執杯酒

送權二

高人不可友清論復何深一見如舊識一言知道  
心明時當薄宦解薛去中林芳草空隱處白雲餘  
故岑韓侯久攜手河嶽共幽尋悵別千餘里臨堂  
鳴素琴

奉送六舅歸陸渾

伯舅吏淮泗卓魯方喟然悠哉自不競退耕東臯  
田條桑臘月下種杏春風前酌醴賦歸去共知陶  
令賢

送從弟蕃遊淮南

讀書復騎射帶劍遊淮陰淮陰少年輩千里遠相

尋高義難自隱明時寧陸沈  
島夷九州外泉館三  
山深席帆盼問罪卉服盡成擒  
歸來見天子拜爵  
賜黃金忽思鱸魚鱠復有滄洲心  
天寒蒹葭渚日落雲夢林  
江城下楓葉淮上聞秋砧  
送歸青門外車馬去駸駸  
惆悵新豐樹空餘天際禽

留別山中溫古上人兄并示舍弟縉

解薜登天朝去師偶時哲  
豈惟山中人兼負松上月  
宿昔同遊止致身雲霞未開軒  
臨潁陽卧視飛鳥沒好依盤石飯  
屢對瀑泉渴理齊小狎隱道勝  
寧外物舍弟官崇高宗兄此削髮  
荆扉但灑掃乘

閑當過歇

別弟縉後登青龍寺望藍田山

陌上新別離蒼茫四郊晦登高不見君故山復雲  
外遠樹蔽行人長天隱秋塞心悲宦遊子何處飛  
征蓋

別弟妹二首

兩妹日成長雙鬟將及人已能持寶瑟自解掩羅  
巾念昔別時小未知疎與親今來始離恨拭淚方  
慙慙

小弟更孩幼歸來不相識同居雖漸慣見人猶未

覓宛作越人語殊甘水鄉食別此最爲難淚盡有  
餘憶

送別

下馬飲君酒問君何所之君言不得意歸卧南山  
陲但去莫復問白雲無盡時

觀別者

青青楊柳陌陌上別離人愛子遊燕趙高堂有老  
親不行無可養行去百憂新切切委兄弟依依向  
四鄰都門帳飲畢從此謝親賓揮涕逐前侶含悽  
動征輪車從望不見時見起行塵吾一作余亦辭家

久者一作看之淚滿巾

過太乙觀賈生房

昔余栖遯日之子煙霞鄰共攜松葉酒俱簪竹皮  
巾攀林遍巖洞采藥無冬春謬以道門子徵爲駢  
御臣常恐丹液就先我紫陽賓天促萬塗盡哀傷  
百慮新跡峻不容俗才多反累真泣對雙泉水還  
山無主人

哭殷遙

人生能幾何畢竟歸無形念君等爲死萬事傷人  
情慈母未及葬一女纔十齡泱泱寒郊外蕭條聞



哭聲浮雲爲蒼茫飛鳥不能鳴行人何寂寞白日  
自淒清憶昔君在時問我學無生勸君苦不早令  
君無所成故人各有贈又不及生平負爾非一途  
慟哭返柴荆

故南陽夫人樊氏挽歌

石窳恩榮重金吾車騎盛將朝每贈言入室還相  
敬疊鼓秋城動懸旌寒日映不言長不歸環珮猶  
將聽